



Broj: 07-06-04-46892-118/24
Sarajevo, 20.06.2025. godine

KANTON SARAJEVO
Skupština Kantona Sarajevo
- o v d j e -

Predmet: Odgovor na zastupničku inicijativu zastupnice Sanele Klarić, d o s t a v l j a s e

Zastupnica Sanela Klarić je u okviru 11. radne sjednice Skupštine Kantona Sarajevo, u skladu sa članom 213. stav (1) Poslovnika Skupštine Kantona Sarajevo ("Službene novine Kntona Sarajevo", br. 41/12 - Drugi novi prečišćeni tekst. 15/13, 47/13, 47/15, 48/16, 9/20, 14/20, 16/22 i 17/22 - Ispravka) uputila zastupničku inicijativu, koja glasi:

„PREDMET: ZASTUPNIČKA INICIJATIVA

Poštovani, na osnovu člana 213. Poslovnika Skupštine Kantona Sarajevo („Službene novine Kntona Sarajevo“, br. 41/12 - Drugi novi prečišćeni tekst. 15/13, 47/13, 47/15, 48/16, 9/20, 14/20, 16/22), gore navedenom ministarstvu upućujem zastupničku inicijativu za **osobe koje obavljaju nelegalnu trgovinu na području KS, tačnije na javnim površinama, da se napravi program za zapošljavanje preko Službe za zapošljavanje KS, naziv programa - trgovac-pojedinac a prema praksi od prije par godina koja se pokazala uspješna.**

OBRAZLOŽENJE

Sarajevo postaje značajna turistička destinacija te sam na više načina pokušala predložiti da brendiramo po uzoru na Zagreb i okolinu, i mi svoje javne površine uredimo i naše ljude koji imaju svoje proizvode koje prodaju na javnim površinama sada ilegalno da im obezbijedimo prostore i sufinansiranje registracije malih obrta te prepoznamo i brendiramo kao „hanumice“.

Nakon više pokušaja da se na području KS sa javnih površina sklone osobe koje nelegalno prodaju robu, konkurentne su registrovanim prodavačima robe na prostorima koji su predviđeni za to ovom inicijativnom u dogovoru sa zainteresovanim stranama ćemo riješiti ovaj problem. Predloženim programom bi sklonili osobe koje nelegalno prodaju robu i zauzimaju javnu površinu i iste bi sa ovim programom stekle socijalno i zdravstveno osiguranje i radni staž i priliku da na legalan način da prodaju svoju robu i da budu u sistemu.

Ove osobe bi konačno ostvarivale sva prava te dobile za to određenu površinu i infrastrukturu za obavljanje svoje djelatnosti te bile prepoznate na tržištu te dobile podršku turističke zajednice kao novi brend ponude u Sarajevu.“

Odgovor Ministarstva privrede Kantona Sarajevo:

Vezano za predmetnu inicijativu zastupnice Sanele Klarić, Ministarstvo privrede Kantona Sarajevo izjašnjava se, kako slijedi:

Zakonom o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09, 18/13 i 23/24) (u daljnjem tekstu: Zakon o posredovanju u zapošljavanju i socijalnoj sigurnosti nezaposlenih osoba), između ostalog propisana su prava i obaveze Kantona Sarajevo u utvrđivanju i provođenju mjera za podsticanje i održavanje više stope zaposlenosti i poboljšanja strukture zaposlenih. Članom 4. stav (1) ovog Zakona propisano je da Vlada Kantona Sarajevo utvrđuje godišnji Program mjera koje se u Kantonu Sarajevo poduzimaju u cilju provođenja pojedinačnih, konkretnih vidova podsticanja zapošljavanja (u daljnjem tekstu: Program), a stavom (2) ovog člana da ovaj Program Vlada Kantona Sarajevo utvrđuje na zajednički prijedlog Ministarstva za rad, socijalnu politiku, raseljena lica i izbjeglice Kantona Sarajevo, Ministarstva privrede Kantona Sarajevo i JU „Služba za zapošljavanje KS“. Sarajevo. Uzimajući u obzir činjenicu da je nosilac izrade Zakona o posredovanju u zapošljavanju i socijalnoj sigurnosti nezaposlenih osoba Ministarstvo za rad, socijalnu politiku, raseljena lica i izbjeglice Kantona Sarajevo te da u praksi, glavne operativne aktivnosti pri izradi i implementaciji Programa provodi JU „Služba za zapošljavanje KS“, Sarajevo ovo Ministarstvo cijeni da se o mogućnostima provedbe predloženog projekta, koji po svojoj sadržini i karakteristikama spada u aktivne mjere zapošljavanja, trebaju izjasniti ove dvije institucije. Za druga pitanja iz ove zastupničke inicijative koja se odnose na dodjelu adekvatne površine za obavljanje djelatnosti nadležno je kantonalno javno komunalno preduzeće „TRŽNICE-PIJACE“ d.o.o. Sarajevo kojem je resorno ministarstvo - Ministarstvo komunalne privrede, infrastrukture, prostornog uređenja, građenja i zaštite okoliša.

S poštovanjem,



MINISTAR
[Redacted Signature]
Zlatko Mijatović

Dostaviti:

1. Naslovu,
2. Vladi Kantona Sarajevo,
3. Evidenciji i
4. Arhivi.

